

**MINISTARSTVO UNUTRAŠNJIH POSLOVA KANTONA SARAJEVO – UPRAVA
POLICIJE, La Benevolencija br. 16, koju zastupa policijski komesar Generalni inspektor
policije Fatmir Hajdarević, (u daljem tekstu: Ugovorni organ)**

**FEF Export Import d.o.o. Sarajevo, Azize Šaćirbegović 24, ID broj: 4200160190004 kojeg
zastupa direktor Emir Kapić, (u daljem tekstu: Dobavljač)**

zaključili su:

UGOVOR O NABAVCI KANCELARIJSKOG NAMJEŠTAJA (LOT 1- Kancelarijske stolice)

Član 1.

Predmet ovog ugovora je nabavka kancelarijskog namještaja LOT 1 - Kancelarijske stolice za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem otvorenog postupka, na osnovu odluke broj 02-11-4-6556/25 od 17.10.2025. godine.

Ugovor se zaključuje u skladu sa uslovima iz tenderske dokumentacije, ponudom Dobavljača i stvarnim potrebama Ugovornog organa.

Ponuda broj 122/KA-12112025/PON-I/MUPKS-UP/LOT 1 od 07.01.2026. godine, sastavni je dio ovog ugovora.

Član 2.

Ukupna vrijednost ovog ugovora iznosi 15.850,00 (petnaest hiljada osam stotina pedeset i 00/100) KM bez PDV-a.

Dobavljač se obavezuje na nepromjenjivost ponuđenih cijena tokom cijelog ugovorenog perioda. Na osnovu Izvještaja o toku i završetku E-aukcije od 05.12.2025. godine, cijena stavke je umanjena za 29,24 % u odnosu na cijene iz Ponude i iste se nakon toga ne mogu mijenjati ni pod kojim uslovima.

Član 3.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 5% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključeni ugovor će se smatrati apsolutno ništavim.

Član 4.

Garancija za uredno izvršenje ugovora realizuje se u slijedećim slučajevima:

- u slučaju raskida ugovora krivnjom Dobavljača zbog kršenja odredaba zaključenog ugovora, pod uslovom da je prethodno pisмено obaviješten o svakom propustu da postupa po ugovoru i da u ostavljenom roku nije izvršio ispravku takvih propusta;
- u slučaju otkazivanja ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba ugovora od strane Ugovornog organa. Garancija za uredno izvršenje ugovora realizuje se protekom roka od pet radnih dana od dana raskida, odnosno otkaza ugovora.

Član 5.

Dobavljač se obavezuje da ugovorenu isporuku izvrši u roku od 30 (trideset) dana od dana dostavljanja/prijema narudžbenice, započevši najranije nakon obostranog potpisivanja Ugovora. Sve troškove isporuke do primopredaje, kao i troškove reklamacije snosi Dobavljač.

Roba će se isporučiti na adrese Ugovornog organa u roku od 30 (trideset) dana od dana prijema narudžbe, započevši najranije nakon obostranog potpisivanja ugovora.

Adrese na koje će se vršiti isporuka robe, će biti dostavljene Dobavljaču nakon obostranog potpisivanja ugovora.

Dobavljač se obavezuje da ugovorene obaveze izvrši stručno, pravilno i kvalitetno, u skladu sa važećim tehničkim propisima, standardima i zakonima.

Član 6.

Dobavljač se obavezuje da isporuku izvrši u roku, količini i kvaliteti kako je ugovoreno. Isporučena roba mora biti nova, nekorištena, montirana, u ispravnom stanju i u svemu prema zahtjevanoj tehničkoj specifikaciji i prihvaćenoj ponudi Dobavljača.

Prilikom isporuke robe koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

Dobavljač je dužan dostaviti i garantne listove za isporučenu robu sa navedenim serijskim brojem uređaja, uslovima i trajanjem garancije i kontakt podacima za slučaj podnošenja garantnog zahtjeva.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Ovlaštene osobe ispred sporazumnih strana će biti određene i strane međusobno obavještene o tome, u roku od 10 (deset) dana od dana potpisivanja ugovora.

Član 7.

Dobavljač se obavezuje priznati reklamaciju na kvantitet i kvalitet isporučene robe, koja će biti proračunata zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka. Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke ukloni u što kraćem roku, koji će mu u zapisniku odrediti Ugovorni organ.

Član 8.

Ukoliko se nakon primopredaje robe pokaže da roba ima neki nedostatak koji se nije mogao otkriti uobičajenim pregledom prilikom njenog preuzimanja (skriveni nedostatak) Ugovorni organ će o tom nedostatku obavijestiti Dobavljača bez odlaganja od trenutka njihovog otkrivanja i pozvati ga da isto u što kraćem roku ukloni.

Član 9.

Garantni rok na isporučenu robu je 24 mjeseca, i počinje da vrijedi od datuma uredne isporuke. Dobavljač garantuje da je roba nova, nekorištena i da je u skladu sa tehničkim specifikacijama koje je postavio Ugovorni organ.

Dobavljač garantuje da roba odgovara za svrhu za koju treba da se koristi, da će ispravno funkcionisati kako je to navedeno u tehničkoj specifikaciji proizvođača.

U toku garantnog perioda Dobavljač je dužan da na poziv Ugovornog organa o svom trošku otkloni sve nedostatke robe.

Ukoliko se oštećenja i nedostaci pokažu za vrijeme trajanja garancije, Ugovorni organ bez odlaganja o tome obavještava Dobavljača.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 10.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Naplata ugovorne kazne će se izvršiti umanjnjem plaćanja fakturisanog iznosa u visini obračunate ugovorne kazne.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 11.

Ugovorni organ će ugovorenu cijenu plaćati Dobavljaču u roku od 30 (trideset) dana od dana uredno izvršene isporuke robe i dostavljanja pojedinačne fakture, na tekući račun Dobavljača.

Član 12.

Dobavljač je dužan naknaditi štetu koja nastupi iz djelovanja ili propuštanja Dobavljača u izvršavanju ovog ugovora.

Član 13.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 14.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog Ugovora, odnosno od početka realizacije ovog ugovora.

Član 15.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača. Ugovorne strane su saglasne da svaka strana može jednostrano raskinuti ovaj ugovor i zadržati pravo na naknadu štete zbog raskidanja ugovora u slijedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati ugovor (stečaj, likvidacija i sl.);
- ako neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane;
- ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Obavještenje o jednostranom raskidu ugovora mora se dostaviti drugoj ugovornoj strani isključivo u pismenom obliku.

Član 16.

Na sva ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 17.

Eventualno nastale sporove pri realizaciji ovog ugovora, Ugovorne strane će rješavati sporazumno, u duhu dobrih poslovnih odnosa i međusobnog povjerenja.


U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 18.

Ovaj ugovor je zaključen, kada isti potpišu obje ugovorne strane i traje do realizacije ugovorenih obaveza, odnosno do izmirenja dužničko-povjerilačkih odnosa.

Član 19.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
FEF Export Import d.o.o. Sarajevo

direktor Emir Kapić


UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj: 122/CE/90/2026
Datum: 19.01.2026 (19.01.2026.)

Broj: 02-11-4-6556-11/25
Datum: 08.01.2026. godine